

Protocol no. 3
Sezzüda da gövgia, 26 schner 2012, 09.00 – 12.05

Preschaints: Albert Mayer, Andri Poo, Men Caviezel, Dumeng Jann,
Marianne Werro-Lehmann e Claudia Luppi (protocol)

Protocol

Il protocol no. 2 da la sezzüda da marcurdi, 18 schner 2012 vain approvà, davò avoir fat amo alchünas correcturas.

17 860 PROVEDIMAINTE ELECTRIC
Infrastructura da forza electrica e da chanelisaziun Pozzet

Fin uossa sun gnüdas manadas las trattativas cun l'Impraisa Frars Buchli be a regard l'acquist da l'infrastructura da la forza electrica e da la chanelisaziun da Pozzet. Per avoir üna basa da dicussion amo plü cumplessiva, ha il capo giavüschà cha l'Impraisa Frars Buchli inoltrescha eir üna proposta da predsches per l'inchasch e la lingia da l'aua da Pozzet. Tenor ils schef da l'aua füssa da far però amo divers sclerimaints in connex culla lingia da l'aua, avant co tilla integrar i'l paquet per l'acquist da l'infrastructura da Pozzet. In vista cha la proposta da predsches per la lingia da l'aua nun es amo avantman e chi's vulesse far amo ulteriurs sclerimaints in connex culla lingia da l'aua, sco eir cul cuntegn da Pozzet, decida il Cussagl cumünal da spostar la decisiun sur d'ün eventual acquist da l'infrastructura da Pozzet fin cha tuot las indicaziuns sun avantman.

18 ORIENTAZIUNS

Center d'inscunter Oasa

Il capo orientescha ch'el haja tut part ad üna sairada i'l center d'inscunter Oasa a Scuol organisada pels sponsurs.

Finanziaziun da progets per energias renovablas

Il capo orientescha ch'el haja gnü üna sezzüda d'infuormaziun cun sar Franz Marschall da las Ouvras Electricas Bernaisas (BKW) a regard ün concept da finanziaziun da progets per energias regenerablas.

Correctura i'l contrat da lavur dal contabel cumünal

Il temp da desditta i'l contrat dal contabel cumünal vain corret da 6 mais sün 4 mais.

Acquist dal stabilimaint da la Posta

Il capo orientescha ch'el saja landervia da metter insembel la documainta a regard ün eventual acquist dal stabilimaint da la Posta. Tanter oter esa uossa avantman ün concept elavurà da dr. iur. P.A. Vital chi pudess reglar las dumondas amo avertas in connex cul stabilimaint da Sent Turissem a Schigliana. Implü as ha il capo laschà spiegar d'ün perit che differentas variantas d'acquist o fittanza da l'immobiglia chi füssan pussiblas. Per pudair metter insembel ün concept realistic e cumplessiv füssa da resguardar eir amo ils cuosts per ün'eventuala sanaziun generala ed impustüt energetica. Il capo, il schef d'infrastructura ed il schef da fabrica preparan co chi dess gnir inoltrada l'offerta da l'architect(a).

Via champestra

Il schef da vias champestras orientescha ch'el haja gnü üna sezzüda cul manader tecnic, il schef dal post da pulizia da Scuol ed il president da l'amegliaziun da Sent a regard il problem da la tonnascha permissa da la via champestra. Quella nu correspuonda plü als bsögns d'hozindi. Ils pertocs fan ils sclerimaints toccants e prouvan da chattar üna soluziun uschè svelt pussibel.

Pumpiers Pisoc

Il schef da pumpiers orientescha ch'el haja tut part a la sairada d'orientaziun per la recrutaziun da pumpiers. Sco ch'el es gnü a savair sun las premissas per gnir tut sü il corp da pumpiers plü severas, ma causa cha davart dal Chantun as calculescha pel corp da pumpiers Pisoc be raduond 80 pumpiers, nun es la recrutaziun ingün problem.

L'actuara: